



## **Model directiv per la promozion da la sanadad e per la prevenziun dal chantun Grischun**



Departement für Justiz, Sicherheit und Gesundheit  
Departament da giustia, segirezza e sanadad  
Dipartimento di giustizia, sicurezza e sanità



# Prefaziun



**lic. iur. Gion Claudio Candinas, secretari dal departament da sanadad**

**Cusseglier guvernativ  
dr. Christian Rathgeb,  
schef dal departament  
da giustia, segirezza e  
sanadad**

**Denise Rudin,  
manadra da la partizun  
«promoziun da la  
sanadad e prevenziun»**

**dr. Rudolf Leuthold,  
manader da l'uffizi  
da sanadad**

Mintga di prendain nus decisiuns che han consequenzas per nossa sanadad e per la sanadad da noss conumans. Il model directiv concernent la promoziun da la sanadad e la prevenziun en il chantun Grischun duai motivar las Grischunas ed ils Grischuns da sa comportar cun atgna responsabladad tegnend quint da la sanadad.

*Nossa visiun è quella che tut las Grischunas e tut ils Grischuns tgiran – nizzegiond lur atgna responsabladad ed uschenavant che quai è pussibl per ellas ed els – ina moda da viver che promova la sanadad e ch'ils posts cumpetents dattan adatg che las cundiziuns da viver vegnan concepidas uschia ch'ellas promovan la sanadad.*

Il model directiv sa drizza a tut las abitantas ed a tut ils abitants da noss chantun, a patrunas e patruni, a las persunas ch'en activas en la promoziun da la sanadad ed en la prevenziun sco er a commembras e commembers da las autoritads dal chantun, da las vischnancas e da las scolas. El sa drizza er a tut las

persunas che han incumbensas cun consequenzas per la sanadad da la populaziun, perquai che la sanadad na dependa betg mo da l'agen cumportament. Consequenzas per la sanadad psichica e fisica da la populaziun han er cundiziuns generalas che vegnan stgaffidas u influenzadas da las persunas che decidan en la politica, en l'economia ed a la plazza da lavur.

Grazia a mesiras intenziunadas da la promoziun da la sanadad e da la prevenziun sa laschan influenzar positivamain la capacitat da prestaziun ed uschia er il svilup economic dal chantun. Malsognas han – ultra da la suffrientscha individuala – er consequenzas considerablas per l'economia publica. Perquai han la regenza ed il cussegli grond francà en il program da la regenza per ils onns 2017–2020 l'intenziun strategica da motivar la populaziun ad in cumportament ch'è conscient da la sanadad.

Sch'il model directiv gida a la populaziun grischuna a guardar dapli sin sia sanadad ed a ponderar tge ch'ella po contribuir a la sanadad da la communitad, ha el ademplì sia finamira.



# Cuntegn

1	Introducziun	6
2	Devisas per la promozion da la sanadad e per la prevenziun	7
2.1	Cumportament persunal	7
2.2	Standard da vita	8
2.3	Ambient social	10
2.4	Valur da la promozion da la sanadad e da la prevenziun	11
3	Finamiras e mesiras	13
3.1	Moda da viver e sanadad	13
3.2	Contacts socials e sanadad	16
3.3	Cundiziuns da viver e da lavurar e sanadad	18
3.4	Promoziun da la sanadad e prevenziun: ina incumbensa interdisciplinara da tut ils secturs da la politica	20

# Agiuntas

1	Proceder cun sviluppar e cun realisar mesiras	21
2	Chasa dal moviment	22

# Impressum

**1. edizion:** matg 2017

**Download sut:** [www.gesundheitsamt.gr.ch](http://www.gesundheitsamt.gr.ch)

**Editur:** chantun Grischun,  
departament da giustia, segirezza e sanadad

**Fotografias:** Andrea Badrutt (8, 10, 14); Fotografie:  
Reinhard Fasching, Konzept: CLUS AG Graficas  
(13); PPR Media Relations AG, Fotograf: Sebastian  
Schneider (17, 18)

**Layout, realisaziun, stampa:**  
Somedia Production, Cuira

## Introducziun

En il program da la regenza 2017–2020 han la regenza ed il cussegl grond formulà l'intenziun strategica da motivar la populaziun dal chantun per in cumportament ch'è conscient da la sanadad. Els han motivà questa intenziun strategica sco suonda: «Las midadas demograficas, il progress da la tecnica medicinala e la moda da viver odierna han per consequenza ch'i dat adina dapli pazientas e pazients cun malsognas cronicas, betg transmissiblas. Tras quai crescha il dumber da pazientas e pazients che dovràn il sistem da sanadad. Sch'i na reussescha betg a lunga vista da motivar la populaziun ad ina moda da viver pli sauna, daventan ils custs che resultan da quai ina chargia che sto vegnir prendida seriusa, tant per il chantun sco er per la populaziun.» Sco mesira per motivar la populaziun ad in cumportament ch'è conscient da la sanadad ha la regenza empermess en il program da la regenza d'elavurar e da realisar in model directiv concernent la promozion da la sanadad.

Tenor l'art. 2 da la nova lescha da sanadad deliberala dal cussegl grond ils 2 da settember 2016 è mintga Grischuna e mintga Grischun responsabel per ina moda da viver che promova la sanadad. L'observaziun da l'atgna responsabladad tras las Grischunas ed ils Grischuns premetta ch'ellas ed els hajan u guardian d'arrivar ad ina moda da viver ch'è favuraivla per lur sanadad. Sco ch'i vegn mussà en il model directiv po la capacitat da prestaziun fisica e

psichica vegnir meglierada en mintga vegliadetgna. Savens sa tracti da superar l'atgna cumadaivladad u da far quai ch'ins stuess u ch'ins vuless far gia daditg.

La finamira da la promozion da la sanadad e da la prevenziun è quella da mantegnair e da rinforzar la sanadad dals umans. Per quest motiv ston vegnir stgaffidas cundiziuns generalas e structuras che promovan la sanadad e che dattan a la populaziun las infurmaziuns ed ils impuls ch'èn necessaris per in cumportament che promova la sanadad.

Il model directiv cuntegna en quest senn devisas, finamiras e mesiras. Quellas sa drizzan tant a la singula persuna sco er a la politica, a la sociedad, a la scola, a l'economia ed al patrun. Ultra da la disposiziun genetica, da la vegliadetgna, da la schlattaina e da la moda da viver influeneschan la sanadad er l'ambient social sco er las cundiziuns da viver e da lavurar.

Mintga persuna che guarda – nizzegiond sia atgna responsabladad – sin sia sanadad, gida cun quai en ina moda che ha in effect dubel: ina buna sanadad cun custs pli pitschens. In cumportament conscient da la sanadad ha consequenzas favuraivlas tant per l'atgna sanadad sco er per las expensas dal maun public per ils fatgs da sanadad e per l'autezza da la premia per l'assicuranza da malsauns.

# Devisas per la promozion da la sanadad e per la prevenziun

Ord vista dal departament da sanadad èn las suandatas quatter devisas impurtantas per la promozion da la sanadad e per la prevenziun en il chantun:

## 2.1 Cumportament persunal

### Devisa 1

Nus avain la pussaivladad d'influenzar nossa sanadad.

Nus decidain sezs – nizzegiond nossa atgna responsabladad – cun in cumportament conscient da la sanadad d'influenzar nossa sanadad e da promover e da meglierar uschia noss bainstar, nossa qualitad da viver sco er nossa capacitat da prestaziun.

Var la mesedad da las malsognas betg transmisisblas sco cancer, diabetes, malsognas da la circulaziun, malsognas psichicas u demenza vegn in-

fluenzada da la moda da viver individuala. Differents facturs da ristga han in effect sin il svilup resp. sin l'impediment da malsognas. Tgi che sa movea regularmain, sa nutrescha en moda equilibrada, renunzia al fumar e na baiva betg alcohol en moda smesirada, ha bunas schanzas da restar ditg saun

### Facturs da ristga influenzabels che promovan il svilup da malsognas

Facturs da ristga che nus pudain influenzar cun nostra moda da viver per reducir uschia la ristga da däventar malsauns èn en spezial:

- il fumar
- consum smesirà d'alcohol
- ulteriur abus da substanzas sco medicaments, drogas
- stress smesirà
- chargia psichica

- facturs fisiologics sco surprais, pressiun dal sang auta, valurs grondas da grass en il sang u in spiegel dal colesterin aut (per part er pervia da motivs genetics)
- mancanza d'ina activitat corporala
- in nutriment betg equilibrà
- manias dal cumportament sco dependenza da l'internet, dependenza da gieus da fortuna
- exposizion al solegl ferma e senza protecziun
- igiena da la bucca manglusa

## 2.2 Standard da vita

### Devisa 2

Ina moda da viver conscientia da la sanadad gida essenzialmain ad augmentar u a mantegnair nossa sanadad.

Las raschuns da la mort las pli frequentas en il chanton Grischun èn malsognas dal cor e da la circulaziun, cancer, demenza, diabetes e malsognas cronicas da las vias respiratoricas. Ellas chaschunan blera suffrientscha, èn responsablas per ina mortalidad anticipada (avant il 70. onn da vita) e contribueschan er a custs da sanadad gronds.

Facturs da ristga che han da far cun la moda da viver (p.ex. nutriment betg equilibrà) e facturs da ristga fi-

siologics (p.ex. auta valur da colesterin) augmentan la probabilitad da survegnir ina da las «malsognas civilisatoricas» (malsognas betg transmissiblas) menziunadas qua survant.

Numerus studis mussan ch'effects positivs per la sanadad pon vegnir cuntanschids d'ina moda da viver che promova la sanadad e che malsognas pon en questa moda e maniera vegnir impeditas u al-main reducidas.

### Effects positivs d'ina moda da viver che promova la sanadad



Grazia ad ina moda da viver che promova la sanadad pon vegnir cuntanschids ils sustants effects positivs:


- augment da la capacitat da prestaziun fisica e psichica
- meglieraziun dal bainstar e da la qualitad da viver
- reduciun da la frequenza d'esser malsau
- augment da la durada probabla da la vita tar ina meglira qualitad da viver
- prolungaziun da l'independenza
- augment dals onns da vita senza impediments (cumenzament pli tard da restricziuns corporalas pervia da la vegliadetgna ed eventualmain da la dependenza da tgira)

## Per in'activitat corporala n'èsi mai memia tard

En nossa societad tecnisada na dovrà la gronda part dals umans quasi betg pli lur corp – ni a la plazza da lavur, ni en il tegnairchasa, ni tar la mobilitat. Per che noss corp funcziuneschia però en moda optimala e restia saun, dovrà el ina quantitat minimala da moviment. Mintga passa davent da l'inaktivitat corporala, er sch'el è pitschen, gida a la sanadad. Persunas activas corporalmain viven pli ditg, han in spiert pli viv en la vegliadetgna ed èn main dependentas da tgira. In moviment regular meglierescha la fitness, il bainstar psichic e la sanadad da l'ossa e reducescha differents facturs da ristga per malsognas cardiovascularas e metabolicas.

En mintga vegliadetgna sa laschan effectuar consequenzas positivas per la sanadad grazia ad activitads che promovan la sanadad. L'exempel da moviment regular cumprova quai cleramain.

Persunas ch'èn fin ussa stadas inactivas s'avischinan al stadi da sanadad da persunas activas, uschespert ch'ellas surmontan lur inaktivitat e sa movan regularmain. Er umans pli vegls ch'èn strusch sa muvids fin ussa, pon far bler per lur sanadad e per lur bainstar, sch'els integreschan regularmain activitads corporalas en il decurs da lur mintgadi.



Sanadad e prestaziun en il decurs da la vita, uffizi federal da sport 2013

## 2.3 Ambient social

### Devisa 3

La promozion da la sanadad e la prevenziun èn tant chaussa da la societad sco er da mintga singula persuna. Ultra dal cumportament personal influeneschan er facturs nossa sanadad.

### Facturs d'influenza socials per nossa sanadad

Facturs socials che influeneschan en moda positiva u negativa nossa sanadad èn:

- l'ambient social (famiglia ed amias/amis)
- las relaziuns d'abitar
- participaziun al martgà da laver respectivamain dischoccupaziun
- las cundiziuns da viver e da lavurar
- las relaziuns economicas
- l'access a las purschidas da la prevenziun da la sanadad e dal provediment da la sanadad
- las purschidas da furmaziun
- la cundiziuns socialas, economicas, ecologicas e culturalas da l'ambient
- la purschida da temp liber

La promozion da la sanadad e la prevenziun èn pia tant l'incumbensa da mintga singula persuna sco er da la communitat.

Il chantun, las vischnancas, ils patruns, las scolas ed ils centers dal di per uffants, ils ospitals e las chassas da tgira sco er instituziuns socialas, culturalas ed ulterioras instituziuns han ina conresponsabladad per la sanadad da la populaziun ed han l'obligaziun da dar adatg da la sanadad da las personas che stattan en ina relaziun cun ellas ed els.



## 2.4 Valur da la promozion da la sanedad e da la prevenziun

### Devisa 4

La promozion da la sanedad e la prevenziun han la medema impurtanza sco il provediment medicinal e la tgira.

La promozion da la sanedad e la prevenziun han actualmain ina rolla subordinada en la politica da sanedad dal chantun e tar las expensas per ils fatgs da sanedad. La politica da sanedad dal chantun s'occupa en emprima lingia da garantir il provediment medicinal e la tgira (planisazion dals ospitals e da las chasas da tgira) e lur finanziazion (lescha per promover la tgira da persunas malsaunas).

Per ils sustants motivs vali la paina per il maun public da far investiziuns en la promozion da la sanedad ed en la prevenziun:

- Las malsognas betg transmissiblas chaschunan oz en Svizra circa 80 pertschient dals custs da sanedad directs da 77,8 milliardas francs (2015). En il chantun Grischun importan ils custs da sanedad directs correspondantamain ca. 2 milliardas francs respectivamain ca. 10 000 francs per abitanta u abitant. Perquai ch'il dumber d'umans attempads crescha, veggan er a s'augmentar las malsognas betg transmissiblas sco cancer, diabetes, malsognas dal cor e da la circulazion e demenza. Correspondantamain ston ins far quint ch'ils custs da sanedad directs veggan er a crescher, nun ch'i veggian prendidas cuntramesiras.

La promozion da la sanedad e la prevenziun pon – cun intermediar las cumpetenças da sanedad e cun motivar la glieud ad ina moda da viver che promova la sanedad – furnir ina contribuzion decisiva per impedir u almain per retardar che questas malsognas sa sviluppian. Quai ha l'effect ch'ils custs dals fatgs da sanedad na creschan betg pli uschè svelt e ferm.

- Ina moda da viver sauna sco er condiziuns da lavurar e da viver che promovan la sanedad gidan ad impedir pensiunaments anticipads per motivs da la sanedad ed uschia in'extrada prematura da la vita professiunala.

Correspondantamain duain la promozion da la sanedad e la prevenziun survegnir en il futur – en apprezzaziun da lur effects positivs per la sanedad e per ils custs da malsogna – il pais che corrisponda a l'impurtanza ch'ellas han per ils fatgs da sanedad dal chantun.

L'illustrazion qua sutvert mussa il niz da mesiras per la promozion da la sanedad e per la prevenziun ed ils custs che pon vegnir evitads uschia.

## 2.

<p><b>Niz direct</b></p> <ul style="list-style-type: none"><li>– custs da tractament e da tgira spagnads</li><li>– participaziun pli pitschna als custs per ils assicuraders da malsauns e per il maun public (chantun e vischnancas)</li><li>– augment pli pitschen da las premias per la assicuranzas socialas (assicuranza da malsauns, assicuranza d'invalididad)</li></ul>	<p><b>Custs directs impedids</b></p> <ul style="list-style-type: none"><li>– custs dal tractament staziunar ed ambulant da malsognas</li><li>– custs per medicaments e terapias</li></ul>
<p><b>Niz indirect</b></p> <ul style="list-style-type: none"><li>– qualitat da viver pli auta</li><li>– plaschair da viver pli grond (p.ex. grazia ad ina meglra mobilitad)</li><li>– meglra sanedad</li><li>– nagins onns da vita pers</li><li>– mantegniment da la capacitat da lavurar</li><li>– main absenzas da la piazza da lavur</li></ul>	<p><b>Custs indirects impedids</b></p> <ul style="list-style-type: none"><li>– absenzas da la piazza da lavur pervia da malsognas</li><li>– prestaziun da lavur reducida durant la reentrada en il process da lavur</li><li>– extrada prematura dal process da lavur</li><li>– reducziun dal grad d'occupaziun da persunas che tgiran lur confamigliars</li><li>– prestaziuns da las assicuranzas socialas spagnadas (assicuranza da malsauns, assicuranza d'invalididad)</li></ul>

Sco explitgà qua survart profitan da la promozion da la sanadad e da la prevenziun er ils patruns e però grazia a quai ch'i dat main absenzas a la piazza da lavur e grazia ad ina productivitat pli gronda da las

lavurantas e dals lavurants. En quest senn èsi er en lur interess d'iniciar e da realisar mesiras per la promozion da la sanadad e per la prevenziun a la piazza da lavur.

## Finamiras e mesiras

Sa basond sin las devisas ha il departament da sanadad fixà las quatter finamiras explitgadas qua sutvart per la promoziun da la sanadad e per la prevenziun en il chantun. Suenter la finamira sco tala èn enumera-das mesiras cun las qualas la finamira duai vegrn cuntanschida.

### 3.1 Moda da viver e sanadad

#### Finamira 1

Mintga Grischuna e mintga Grischun è conscient da l'effect positiv d'ina moda da viver sauna e tgira – nizzegiond l'atgna responsabladad – in stíl da viver che promova la sanadad.

Mintga singula persuna è responsabla per sia moda da viver e per ses cumportament. Per che mintga Grischuna e mintga Grischun possia agir en atgna responsabladad en quai che concerna sia sanadad, sto ella u el vegrn infurmà, cun tge mesiras ch'ella u el po concepir sia moda da viver uschia che la sanadad vegrn promovida e cun tge mesiras ch'ella u el po impedir ch'ina malsogna sa sviluppia u – sche quai è già il cas – co ch'i po vegrn impedì che questa malsogna sa sviluppia vinavant. Per quest motiv ston ellas ed els er vegrn infurmads davart ils effects da lur cumportament u da victualias e da products da giudiment che fan donn a la sanadad u che promovan la sanadad.

L'abilitad da prender decisiuns en il mintgadi che han in effect positiv per la sanadad e da tgirar uschia ina moda da viver che promova la sanadad vegrn designada sco competenza da sanadad. Tenor in studi che l'uffizi federal da sanadad publica ha fatg l'atun 2015 ensemen cun l'uffizi federal da segirezza alimentara e fatgs veterinars e cun la fundaziun Promozion Sanadad Svizra ha mo mintga dieschavla persuna in'excellenta competenza da sanadad. Tar dapli ch'in terz da la populaziun è ella suffizienta, tar ca. 45 pertschient è ella problematica e tar 10 pertschient è ella insuffizienta.



## Mesiras da la singula persuna per ina moda da viver che promova la sanadad

- sa mover regularmain
- Uffants e giuvenils duessan esser en moviment 1 ura per di, uffants pli pitschens cleremain pli ditg. Persunas creschidas duessan esser en moviment almain 2½ uras per emna en furma d'activitads quotidianas u da sport d'almain ina intensitat mesauna. Las activitads duessan esser repartidas sin plirs dis da l'emna.  
Persunas ch'èn gia activas pon far anc dapli per lur sanadad, per lur bainstar e per lur capacidat da prestaziun cun trenar la cundizion, la forza e la movibladad.  
[www.hepa.ch](http://www.hepa.ch)



- mangiar en moda equilibrada
- Mangiar savens products da graun entir, favs, fritga e legums.
- Mangiar mo limitadamen victualias cun bleras calorias (cun bler grass u zutger) ed evitar bavrondas che cuntegnan zutger.
- Preferir victualias cun pauc sal.  
Societad svizra da nutriment  
[www.sge-ssn.ch](http://www.sge-ssn.ch)
- negin consum da tubac  
La campagna [www.smokefree.ch](http://www.smokefree.ch) sostegna persunas che fiman sin lur via vers ina vita senza fum.
- consum moderà d'alcohol  
Sin [www.alcohol-facts.ch](http://www.alcohol-facts.ch) èn cumplidas infurmaziuns davart ils effects e davart ils effects secundars d'alcohol.
- rinforzar la sanadad psichica  
La campagna [www.wie-gehts-dir.ch](http://www.wie-gehts-dir.ch) porscha tips per discurs ed infurmaziuns da basa davart la sanadad psichica e davart malsognas psichicas.
- tgirar contacts socials
- evitar stress memia grond
- durmir avunda
- giuvenils  
La plattaforma da sanadad per giuvenils, per persunas d'instruziun e per geniturs [www.feel-ok.ch](http://www.feel-ok.ch) infurmescha ils giuvenils en ina lingua da giuvenils co ch'els pon concepir lur stil da viver uschia ch'el promova la sanadad.
- igiena da la bucca  
tenor las recumandaziuns da la societad svizra da las dentistas e dals dentists [www.sso.ch](http://www.sso.ch).

## Mesiras da la singula persuna per prevegnir a malsognas

- Participaziun a controllas da prevenziun

Controllas da prevenziun èn per exemplu impurtant per diagnostigar baud pressiun da sang auta, disturbis dal cor, diabetes e cancer. Las ligas da sanedad porschan infurmaziuns cumplexivas davart la prevenziun: [www.swissheart.ch](http://www.swissheart.ch), [www.diabetesschweiz.ch](http://www.diabetesschweiz.ch), [www.krebsliga.ch](http://www.krebsliga.ch), [www.rheumaliga.ch](http://www.rheumaliga.ch)

Constataziun a temp dal cancer dal sain per duntas a partir da 50 onns: [www.donna.ch](http://www.donna.ch)

Ina diagnosa ad ura po augmentar las schanzas d'ina guariziun ed influenzar en moda positiva il decurs d'ina malsogna.

- Observar las reglas da safer sex

[www.lovelife.ch](http://www.lovelife.ch)

Safer Sex protegia cunter HIV e reducescha cleramain la ristga da survegnir autres infecziuns che vegnan transmessas sexualmain.

- Laschar sa vaccinar

tenor las recumandaziuns actualas da l'uffizi federal da sanedad publica e da la cumissiun federala per vaccinaziuns. [www.bag.admin.ch](http://www.bag.admin.ch) > Schweizerischer Impfplan.

Vaccinaziuns protegian cunter malsognas gravantas.

## Mesiras dal chantun per promover e per rinforzar la cumpetenza da sanedad

- Il chantun infurmescha regularmain la populaziun cun campagnas davart la promozion da la sanedad e davart la prevenziun e porscha – ensemencun las vischnancas – occurrentzas d'infurmaziun.

Las infurmaziuns stattan a disposiziun sin [www.graubuenden-bewegt.ch](http://www.graubuenden-bewegt.ch).

- Il chantun infurmescha la populaziun en il rom da campagnas da vaccinaziun davart il niz dal vaccinar.

- Il chantun sensibilisescha la populaziun per sa participar a controllas da prevenziun (p.ex. screening da cancer).

- Il chantun metta gratuitamain a disposiziun la cussegliaziun da las mammas e dals babs en dumondas da la tgira da poppins e d'uffants pitischens.

[www.kjbe.ch/mvb](http://www.kjbe.ch/mvb)

- Il chantun garantescha il servetsch medical, dentistic e psicologic da scola per las scolas popularas, per las scolas medias e per las scolas spezialas.

- Il chantun realisescha ils suandants programs prioritars per promover la sanedad:

– sanedad psichica

– promozion da la sanedad en la vegliadetgna

– prevenziun d'alcohol

– Es ti fit? In pais saun

Infurmaziuns tar ils programs stattan a disposiziun sut [www.graubuenden-bewegt.ch](http://www.graubuenden-bewegt.ch).

- En il rom dal preventiv metta il chantun a disposiziun ils meds finanzials ch'èn necessaris per realisar las mesiras per la promozion da la sanedad e per la prevenziun.

Las vischnancas gidan il chantun a realisar las mesiras.

# 3.

## Mesiras dals assicuraders da malsauns

En il rom da la concepziun da lur assicuranzas supplementaras pon ils assicuraders da malsauns dar per exemplil iis suandants impuls a lur personas assicuradas da sa cumportar en ina moda e maniera che promova la sanedad:

- conceder rabats sin las premias (programs da bonus)
  - per in cumportament che promova la sanedad
  - per duvrar applicaziuns da sanedad mobilas (transmissiun da datas da sanedad dal pazient al medi cun agid da tecnologias mobilas da communicaziun)

- finanziar check-ups medicinals

En vista al fatg che la conscienza da sanedad cre-scha ston ins partir dal fatg che las Grischunas ed iis Grischuns resguardian las purschidas e las presta-zions dals assicuraders da malsauns en la promo-zion da la sanedad ed en la prevenziun, cur ch'ellas ed els tschernan in'assicuranza da malsauns.

## 3.2 Contacts socials e sanedad

### Finamira 2

Las Grischunas ed iis Grischuns èn conscients da l'effect positiv da las resursas socialas da la com-munitad per la sanedad e dattan adatg d'integrar tut las gruppas da la populaziun en raits socialas.

Resursas socialas, quai èn en spezial las raits so-cialas ed il sustegn social, han in effect per la dura-da probabla da la vita ed er per ristgas da daventar malsaun, per las schanzas da guarir e per la durada da la guariziun. Umans che han bunas colliaziuns socialas, che survegnan avunda sustegn, ch'èn in-tegrads en in sistem equilibrà da dar e da survegnir e che sa sentan darar solitaris, vivan pli ditg ed èn pli sauns – tant corporalmain sco er psichicamain – che umans che pateschan d'ina isolaziun sociala. La participaziun a la vita sociala è uschia ina resur-sa centrala per il bainstar, per la sanedad e per la durada probabla da la vita dals umans. Ina buna in-tegraziun sociala ed in sustegn social reduceschan las ristgas da malsognas dal cor e da la circulaziun, da cancer e d'infecziuns. Tar las resursas socialas sa mussan cleris differenzas socialas: pli nauscha che la furmaziun da scola è e main sustegn che la persu-

na survegn (bulletin Obsan «Soziale Ressourcen als Gesundheitsschutz», 1/2014).

Spezialmain las suandantas gruppas pateschan pli savens d'ina isolaziun sociala, d'ina mancanza da su-stegn e da solitariadad:

- personas cun entradas bassas
- personas dischoccupadas
- personas cun in nivel da furmaziun bass
- umans attempads, en spezial sch'els vivan sulets
- migrantas e migrants cun in status socio-econo-mic bass (furmaziun, bainstanza)
- personas ch'educheschuan sulettes
- personas cun ina malsogna psichica

Sin basa da las analisas datti da nov indicaziuns per ulteriuras gruppas, tar las qualas è periclitada spezialmain la sanadad, numnadamain umens giuvens e persunas che vivan sulettas che survegnan – en cas

da basegn – relativamain pauc sustegn. Clera è er la cesura ch'ina malsogna psichica chaschuna a vista mesauna en la rait sociala (bulletin Obsan «Soziale Ressourcen als Gesundheitsschutz», 1/2014).

### Mesiras per promover la participaziun sociala e l'integrazion

Mesiras per promover la participaziun sociala e l'integrazion na pon betg vegnir ordinadas. Ellas dependan da l'engaschament da las vischnancas e da las burgaisas e dals burgais al lieu ed uschia d'iniziativas localas.

En il center stattan mesiras sco:

- engaschament da gruppas per dumondas e per temas che promovan la sanadad (p.ex. uniuns da sport, uniuns da geniturs, cuminanzas d'interess da senioras e da seniors activs, gruppas da giuentetgna)
- promozion da l'agid da buna vischinanza
- promozion da process da cooperaziun en vischnancas: en il rom d'ina occurrenza (p.ex. conferenza per il futur) u a chaschun d'in project da la vischnanca survegn la populaziun la

pussaivladad d'articular ses basegns e ses giavischs areguard la qualitad da viver ed areguard la sanadad.

- promozion e sustegn da la lavour en uniuns (p.ex. uniuns dal vitg, secziuns da giuvens, uniuns da sport)
- promozion da la lavour per la communitad, lavour cun giuvenils, exempels per quai èn: maisas da mezdi, projects da generaziuns, integrazion da persunas che pateschan d'ina isolaziun sociala
- metter a disposizion purschidas da sport, da moviment e da furmaziun
- organisaziun da scuntradas da quartier tranter las generaziuns: spazis publics attractivs han in effect che promova l'integrazion e la communi-caziun ed uschia la sanadad.



# 3.

## 3.3 Cundiziuns da viver e da lavurar e sanadad

### Finamira 3

Vischnancas, scolas, patruns e manaschis da restauraziun e d'hotellaria èn conscients da lur pussaivladads d'influenzar il comportament da la populaziun e stgaffeschan cundiziuns da lavurar e da viver che promovan la sanadad.

Là, nua che umans vivan, giogan, emprendan, lavuran ed èn en gir vegn furmada lur qualitat da viver e lur sanadad. La singula persuna n'ha strusch la pussaivladad da midar las cundiziuns da viver e da lavurar. Perquai èsi d'ina impurtaanza centrala ch'ils munds da viver e da lavur dals umans veginian con-

cepids uschia da las vischnancas, da las scolas, dals manaschis da restauraziun e d'hotellaria sco er dals patruns ch'els promovan u ch'els mantegnan almain la sanadad. Impurtant en quest connex èsi che las persunas pertutgadas survegnian la pussaivladad da sa participar, da gidar a concepir e da cundecider.



## Mesiras per stgaffir cundiziuns da viver e da lavurar che promovan la sanadad

Qua sutvart vegnan enumeradas in pèr mesiras pus-saiylas per stgaffir cundiziuns da viver e da lavurar che promovan la sanadad.

### Scolas

- sa participeschuan al project «scola en moviment» ed a la «cupitgarola» da l'uffizi da sanadad.
- dattan adatg da cundiziuns d'emprender e d'instruir che promovan la sanadad (clima da scola, stima, localitads).
- mettan a disposizion purschidas da moviment u sustegnan talas (sport da scola voluntar, spazis attractivs per sa mover).
- intimeschan ils uffants, las scolaras ed ils scolars da sa mover mintga di e dattan adatg d'in nutriment equilibrà dals uffants e giuvenils.
- porschan maisas da mezdi adattadas per uffants e saunas, spazis per sa mover e.u.v.
- qualifitgeschan las scolaras ed ils scolars da sviluppar ina stima da sasez, da promover lur curaschi da viver, da sa motivar ad ina concepziun activa e creativa da la vita grazia a la promozion da lur cumpetenzas da viver e da render ellas ed els abels da schiliar conflicts per dumagnar fasas da la vita difficilas.
- sa participeschuan al program per la prevenziun da dependenzas «Freelance» per classas dal stgalim superiur.

### Vischnancas

- creeschuan spazis libers per uffants e giuvenils per pussibilitar a quels activitads da temp liber raschunaivlas e contacts socials (p.ex. spazis per giugar, pumptrack, sport da scola voluntar, lavur cun giuvenils, halla da gimnastica averta, implants da sport).
- investeschuan en spazis publics ch'en attractivs per sa mover (p.ex. vias da velos, zonas da pedunas e peduns, surfatschas verdas attractivas per tut las generaziuns).

- pretendan tar occurrentzas, nua ch'i vegnan vendidas bavrondas alcoholicas, ch'i vegnia presentà in concept cun mesiras da protecziun per giuvenils, e quai sco part da la concessiun da la permissiun.
- fan in plan da mesiras per lur activitads en la promozion da la sanadad ed en la prevenziun, e quai cun resguardar tut ils secturs politics. Perquai che la promozion da la sanadad e la prevenziun è ina incumbensa interdisciplinara, èsi impurtant che la planisaziun da las mesiras vegnia coordinada.

### Patrun(a)s

- realiseschuan per il manaschi in manaschament da sanadad.
- In manaschament da sanadad per il manaschi ha l'intent da percepir ad ura ristgas per la sanadad che derivan da la plazza da lavur e da ses ambient e da cumbatter questas ristgas cun cundiziuns da lavur che promovan la sanadad. El gida a mantegnair la sanadad da las collavuraturas e dals collavuraturi ed uschia lur capacitat da prestaziun.
- [www.gesundheitförderung.ch](http://www.gesundheitförderung.ch) ➔ Wirtschaft und [www.seco.admin.ch](http://www.seco.admin.ch) ➔ Gesundheitsschutz am Arbeitsplatz

### Manaschis da restauraziun e d'hotellaria

- porschan pasts sauns ed equilibrads ch'en marcads correspudentamain.
- La populaziun mangia adina pli savens – en spezial a mezdi – ord chasa. Perquai survegn la qualitat dal mangiar ordaifer la chasa ina impur-tanza adina pli gronda. [www.fourchetteverte.ch](http://www.fourchetteverte.ch).

### Chasas da tgira

- dattan adatg che la sanadad da la bucca da lur abitantas ed abitants vegnia mantegnida, sche quellas dovran agid per lavar lur dents.

# 3.

## 3.4 Promoziun da la sanadad e prevenziun: ina incumbensa interdisciplinara da tut ils secturs da la politica

### Finamira 4

Las vischnancas ed il chantun realiseschan en tut ils secturs da la politica soluziuns che tegnan quint da la sanadad.

La gronda part dals secturs da la politica (furmaziun, economia, fatgs socials, traffic, planisaziun dal territori, ambient, constituziun e.u.v.) influeneschan directamain u indirectamain la sanadad. Per exemplu influeneschan la construcziun d'ina via u la planisaziun da quartier e da traffic il cumportament da moviment da la populaziun.

En la gronda part dals secturs da la politica vegnan uschia prendidas decisiuns che han in effect per la sanadad da la populaziun. En connex cun questas decisiuns stoi correspondentamain vegnir dà adatg ch'ellas n'hajan naginas consequenzas negativas per la sanadad da la populaziun respectivamain ch'ellas la promovian en il rom da quai ch'è pussaivel.

### Mesiras dal chantun e da las vischnancas per soluziuns che tegnan quint da la sanadad

- Ils purtaders da decisiuns sin plau chantunal e communal resguardan en lur decisiuns ils effects che quellas han per la sanadad da la populaziun.
- Il chantun procura per la coordinaziun dals differents acturs. Per quai vegnan duvradas structuras da temp adattadas sco conferenzas, raits u gruppas da laver. La finamira è il barat da savida e l'integraziu d'auters secturs da la politica.
- Las vischnancas respectivamain las regiuns designeschan in post ch'è cumpetent per la promoziun da la sanadad e per la prevenziun sin plau communal e sin plau da scola. Quel post garantescha la coordinaziun cun ils auters secturs da la politica en la vischnanca u en las vischnancas.

## 1 Proceder cun sviluppar e cun realisar mesiras

Per sviluppar e per realisar mesiras per la promozion da la sanedad e per la prevenziun èn – ord vista dal departament da sanedad – impurtants ils sustants princips:

### Orientaziun a gruppas en mira

Il stadi d'infurmazion, ils basegns da sustegn e da cussegliaziun e las resursas da sanedad da la populaziun divergeschan tut tenor la vegliadetgna, la derivanza culturala ed il status social. Las mesiras per la promozion da la sanedad e per la prevenziun ston correspondentamain vegrir concepidas uschia ch'ellas s'orienteschan a las gruppas en mira. Tar la planisaziun e tar la realisaziun da las mesiras stoi vegrir tegnì quint dals differents basegns e da las resursas da sanedad da las singulas gruppas en mira. Quai vala spezialmain per umans cun dischavantatgs socials e per umans en situaziuns da problems.

Umans cun dischavantatgs socials ed umans en situaziuns da problems han pervia da lur nauschas cundiziuns da viver la tendenza da sa comportar en ina moda ch'è ristgada per la sanedad respectivamain na guardan betg da sa comportar en ina moda che promova la sanedad. Studis mussan che la durada probabla da la vita tar umans socialmain flaivels è fin a 10 onns pli bassa che tar las ulteriuras gruppas da la populaziun (institut Robert-Koch; FAZ dals 13 da mars 2016).

Perquai che l'access a persunas cun dischavantatgs socials ed a persunas en situaziuns d'urgenza è pli difficult, ston ins sa drizzar a quellas cun programs spezials en il rom da las mesiras per la promozion da la sanedad e per la prevenziun.

### Participaziun

Las gruppas en mira da las mesiras respectivas duain pudair articular lur basegns e lur ideas a chascun da la planisaziun da las mesiras en il rom da process da cooperaziun sin plaun communal u a la

plazza da laver. La motivaziun per realisar las mesiras vegrin influenzada uschia en moda positiva.

### Mesiras per in temp pli lung

Mesiras en il sectur da la promozion da la sanedad e da la prevenziun ston esser duraivlas ed avair pia ina concepziun a lunga vista. Per percorscher tendenzas problematicas tar la sanedad da la populaziun, ston vegrir evaluadas regularmain datas da sanedad. En il center stattan en quest connex datas per il chantun Grischun che derivan dal rapport da sanedad da l'observatori svizzer da sanedad (Obsan) che sa basa sin l'enquista svizra davart la sanedad che vegrin fatga periodicamain. Suenter l'analisa dal basegn d'agir sto l'uffizi da sanedad planisar e realisar mesiras che s'orienteschan a las gruppas en mira. Las mesiras che sa basan sin il stadi actual da la savida ston vegrir evaluadas regularmain sin basa da lur evidenza ed adattadas a las novas enconuschienschas. Per quest intent baratta il chantun infurmaziuns cun auters chantuns e cun organisaziuns naziunalas.

### Realisaziun da las mesiras tenor il princip da subsidiaritad

La realisaziun da las mesiras duai succeder tenor il princip da subsidiaritad, q.v.d. ch'il chantun duai vegrir activ mo là, nua ch'ils acturs privats e – en seunda lingia – las vischnancas n'en betg en cas da realisar questas mesiras. Correspondentamain è el responsabel tenor la lescha da sanedad per campagnas e per programs per tut il chantun sco er per incumbensas intercommunalas. Sia chaussa è ultra da quai da metter a disposizion material d'infurmaziun sco er da dar sustegn professiunal a las vischnancas sco er als acturs privats per planisar e per realisar projects en il sectur da la promozion da la sanedad e da la prevenziun.

# Agiuntas

## 2 Chasa dal moviment

### Infurmaziun e cussegliazion

En la chasa da moviment a Cuira stat la partizion «promozion da la sanadad e prevenziun» da l'uffizi da sanadad dal Grischun a disposiziun per ulteriuras infurmaziuns sco er per cussegliaziuns concernent la planisaziun e concernent la realisaziun da mesiras da la promozion da la sanadad e da la prevenziun.

Uffizi da sanadad dal Grischun  
Promozion da la sanadad e prevenziun  
Chasa dal moviment  
Hofgraben 5  
7001 Cuira  
Telefon 081 257 64 00  
gf@san.gr.ch  
[www.gesundheitsamt.gr.ch](http://www.gesundheitsamt.gr.ch)

Tar la realisaziun vegn ella sustegnida da la promozion da la sanadad Svizra.  
[www.gesundheitsfoerderung.ch](http://www.gesundheitsfoerderung.ch)

En la chasa dal moviment sa chatta er la partizion «sport» da l'uffizi per la scola populara ed il sport.

### Plattafurma d'infurmaziun

Sin [www.graubuenden-bewegt.ch](http://www.graubuenden-bewegt.ch) vegni dà tips per la sanadad e mussà puncts da partenza per promover il moviment, per in nutriment saun, per la sanadad psichica e per la prevenziun da dependenza.

***graubuenden-bewegt.ch***  
***grischun-enmoviment.ch***  
***grigioni-inmovimento.ch***





**Departament da giustia,  
segirezza e sanadad**

Hofgraben 5, 7001 Cuira, Telefon +41 81 257 25 13  
Fax +41 81 257 21 66, [info@djsgr.ch](mailto:info@djsgr.ch), [www.djsgr.ch](http://www.djsgr.ch)